

» de proposizion in Mazor Conseggio, aggravandolo de più incorri-
 » benze e pesi; lassemolo depositario della quiete della nostra re-
 » pubblica. Non spetta a mi l' escir in punti de storia e de politica.
 » Son dalla proposizion tratto a un passo, dove non me conduseva
 » el mio eccitamento: me trovo fora del mio centro. La proposizion
 » ze ingiuriosa al Conseggio de X. Un eccitamento a dei corpi pre-
 » ventivamente presuppone difetto in elli: questo ze un infiggerghe
 » la pena prima che i abbia la colpa. El senato, quel savio corpo,
 » alle felici deliberazion del qual dovemo da tanto tempo la quiete,
 » la tranquillità e la pubblica conservazion; sto senato se la vede po-
 » sta in dubbio: ad altro corpo ze demandada sta tranquillità. Ma
 » se pol dir: vegnirà interpretada la legge. Le parole nelle leggi
 » le resta eterne, e nel corso dei secoli ghe pol esser dei omeni, che
 » abusi delle parole. Co sto solo sospetto la proposizion ha da far tre-
 » mar. El Senato ze eccità nell' eccitamento ad agir. Questo ze in-
 » giurioso ed indecoroso ai eccellentissimi savj. L' ha da agir, e
 » non ga da esser chi ghe propona? Le ghe diga ai savj, che i
 » propona; le ghe diga al Senato, ch' el deliberi, ma con modi
 » straordinarj, come le lo ha ditto altra volta; ma le ghe nomini
 » le presidenze, perchè non se vada a pericolo, che resti el Senato
 » colla commission e colla impossibilità dell' esecuzion. No le diga,
 » ch' el ministero ze peculiar del Senato; non le voja offender i di-
 » ritti del Conseggio di Quaranta al criminal, se le dise, che questi
 » poi ze risservadi; donca ghè un' aperta contraddizion, o no ze
 » vera la seconda o ze falsa la prima. I magistrati per la legge 1640
 » ha la facultà d' elegger i loro fiscali; sta facultà non la trovo ris-
 » servada. El sindaco ga l' autorità nella formazion delle tariffe;
 » neppur questa ze risservada. Tutti irremmissibilmente li vedo spo-
 » jadi delle loro facultà. Se vol conservar la costituzion, e poi nella
 » costituzion se fa st' alterazion, se spoja i corpi, i se confonde, i se
 » denuda? Se sovverte l' armonico patrio sistema; se mette tutto in
 » alto mar? Questo ze el confronto della proposizion coll' eccita-
 » mento. In sto confronto la risulta ultronea, delusoria, de terribil